

FUAR LÉON WERTH

Ik bē di Jungen, tō öntskiligi, dat des Bok fuar wukset Lir skrewen es.
Ik haa en iarnsthaftig Öntskiliging diarfuur: Des wukset Karming es min beest Frinj, wat ik üp di Warel haa.
Ik haa jit en Öntskiliging: Des Wukseti ken alis fuarstuun, uk di Bokers fuar Jungen.
Ik haa en trērst Öntskiliging: Des Wukseti uunet ön Frankrik, hur hōm kuul es en hur hi hungert.
Hi brükt nöörig en gur Uurt.
Wan ali Öntskiligungen ek leengi, da ken des Bok uk fuar di Drēng skewen wiis, wat des Karming jens wesen es.
Ali wukset Lir sen jens Jungen wesen (man di miist diarfan haa dit auriiten).
Diaraur forbeeteri ik, fuar hoken ik des Bok skrewen haa:

FUAR LÉON WERTH,
ÜS HI JIT EN DRĒNG WIAR

Di gurt Lir sen gans bistemet aur di Maaten apärt, taacht di Litji Prins üp sin Rais.

Kapitel XII

Ön di naist Planeet wiar en Drinker tō finj. Des Bisjuk wiar rocht kuurt, man di Litji Prins uur diarfan mal truurig.

„Wat maakist Dü diar?“ fraageti hi di Drinker, wat fuar en Reece fan lerig Budeln set.

„Ik drink.“, swaareti di Drinker en luket grimig diarbi.

„Huraur drinkst Dü?“, fraageti di Litji Prins.

„Fuar tō auriit.“, swaareti di Drinker.

„Fuar wat tō auriit?“, fraageti di Litji Prins, wat di Drinker al Liir dö.

„Fuar tō auriit, dat ik me skaami.“, sair di Drinker en let di Haur hingi.

„Fuar wat skaamst Dü Di da?“ fraageti di Litji Prins, wan helpi wel.

„Dat ik drink.“, sair di Drinker en feel töbeek ön sin Swügin.

Di Litji Prins wiar forbaust.

'Di gurt Lir sen gans bistemet wunerk.', taacht di Litji Prins üp sin Rais.